



PTP yang sibuk dengan proses memindahkan barang dan kontena dari kapal dagang yang berlabuh.

Gelang Patah

PTP sedia berdepan era IR 4.0

Pelabuhan Tanjung Pelepas Sdn Bhd (PTP), anak syarikat MMC Corporation Bhd sedia berdepan era Revolusi Industri 4.0 (IR 4.0) dan pendigitalan dalam industri pelabuhan, sekali gus berada setanding pelabuhan terkemuka lain dunia.

Ketika ini, PTP yang disenaraikan sebagai pelabuhan ke-19 terbaik dunia, adalah pesaing utama Pelabuhan Singapura yang ketika ini berada di kedudukan kedua dalam senarai berkenaan.

Ketua Pegawai Eksekutif PTP, Marco Neelsen berkata, pendigitalan bagi sektor pelabuhan akan mewujudkan jaringan

komunikasi dan rangkaian nilai secara pintar antara pihak berkuasa, pengendali pelabuhan serta syarikat perkapalan.

Beliau berkata, sebagai contoh, banyak pihak mula membincangkan penggunaan *blockchain* dan ia membuktikan perkara berkenaan adalah isyarat kepada perubahan dalam semua industri, termasuk pelabuhan.

“Bagi memastikan kami bersedia untuk melakukan perubahan dan berdepan dengannya, PTP turut mengadakan dialog bersama pihak berkuasa dan pelanggan bagaimana ia akan dilaksanakan,” katanya.